

罪

惟

錄

罪惟錄志卷之八

樂志總論

樂無不可知任耳而已。魯論翕如、純如、皦如、緝如、任耳法也。儒者求之於理，通陰陽義最深。求之于數，起絲枲類最微。習者不易察不得已，求之于氣，所謂從淺者深之。然古制荒缺，如編鐘、編磬及簫、管等，雖或沿古名而已。笙中之簧，移時不更點定，則錯金能不壞。然閱數十年亦差不足任也。八音中，金石每一器為一律，合十三器而成十二律。其一為律，餘以象、陶、匏、土、革、木止一器，無高下。獨絲竹每一器備諸十二律。然太濁則漫，太清則焦，止用中聲。

准于人口之所及而已。譬如有耳人聞不和之音則不樂。樂受和不必歸其權于器。是宜裁器以就耳。就耳亦自得黃鍾等律。何藉灰飛。灰飛法即不傳。而樂在耳。即亦在心。深之于理于數自協。况灰飛亦未可據地。宜或變風候或錯。夫測景尚有偏正之別。况入土而求之哉。宮商角徵羽是五音。協之為調。以應喜怒哀樂之情。從制曲者論也。十二律是人聲之高下。有聲必有字。字層累而上。然或隔一字又隔一字。而南北之調始分。如近太常神樂教坊用四乙上尺工等。即以孩提初語。禽鳥自鳴亦定隔一字而成聲。此天然大塊噫氣之竅於萬物不可強也。旋相為宮。固

是定論。又或一字而高之為母。母之上又有母。卑之為子。子之下又有子。子母同律。所謂以高字叶低聲是也。總之。舍吾耳何處求樂。舍人耳何事作樂。瞽者所以專耳也。徒以理以數。豈非從聾者而審樂哉。明制不設樂官。與相沿之失。但從神樂觀道士司之。優給錢穀。不刷卷。是以異教分主大祀。尤為畔古。至于武舞干戚。尋塲以猪甲。繪兵其上。曰為後世防微。然亦庸鄙甚矣。

樂志

乙巳高皇帝克金陵即立典樂之官

吳元年置太常司其屬有協律司樂等官戒朝賀不得仍用女樂上嘗擊磬以學士朱升自言能審音迎令測之既曰升奈何以宮作徵黃冠冷謙為協律郎定樂章聲譜俾樂生習之取泗州靈壁佳石製磬湖州採桐製琴瑟冬十月考正四廟雅樂定舞制樂生用通流舞生以軍民俊秀子弟充之隨置教坊司掌宴會其大樂設大使等官以樂工為之

洪武元年上親祭太社大禋有樂車迎神云五土之靈百

穀之英國、以土而寧、民以食而生、基國肇建、祀礼修明、神  
其未歸、南恭而寧、奠幣云、有國有人、社稷為重、昭祀云、初  
王帛虔奉、維物匪奇、敬定將之、以斯為礼、冀達明祗、奉祖  
云、崇壇北向、明禋方闡、有紫犧牲、礼因物顯、大房載設、中  
情以展、景運以承、神既斯衍、初獻大社云、高為山林、深為  
川澤、崇丘廣遠、亦有原隰、惟神所司、百灵効職、清醴初陳、  
顯然昭格、于后土云、平治水土、萬世神功、民安物遂、造化  
攸同、嘉惠無窮、報祀宜豐、配食尊嚴、國家所崇、于大禘  
云、黍稷稻粱、來牟降祥、為民之天、豐年穰穰、其功甚大、其  
恩甚長、乃登芳齊、以享以將、于后稷云、皇天后稷、克配于

天誕降嘉種、附藝大田、生民粒食、功垂萬年、建壇于京、歆  
茲吉蠲、西終獻於大社、云廣厚無邊、其体弘兮、德侔坤厚、  
萬物生兮、錫民地利、神化行兮、恭祀告虔、國之賴兮、于后  
土云周覽四方、偉烈昭彰、九州既平、五行有常、壇壝以妥、  
牲醴之將、是崇是嚴、煥然典章、于大禋云億兆休之、所資  
者穀雨暘應時、家給人足、君庾坻京、神介多福、祗薦其儀、  
昭祀惟肅、后稷云躬勤稼穡、有相之道、不稂不莠、寔堅定  
好農事、開國皇基永保、有年自今、常奉蘋蕡、撤豆云礼展  
其勤、樂奏其節、庶品苾芬、神明是達、有嚴執事、俎豆乃徹、  
穆穆皇王、均其欣悅、送神云維壇潔清、惟主堅貞、神之所

歸依茲以寧土宇靖安年穀順成祀事昭明永致昇平望  
瘞云晨光將發既侑既饗瘞茲牲幣達于幽陰神人和悅  
寔獲我心永久禋祀其始于今

夏四月、拾享太廟。案章述神曲云、虞源叢祥、世德惟崇、致  
我助躬、開基建功、京都之內、親廟在東、惟我子孫、永懷祖  
風、氣體則同、呼吸相通、來格來崇、皇靈顯融、初獻四祖、有  
分樂思、皇高祖穆然深念、具遠歷年、其神在天、尊臨太室、  
餘慶綿、歆於几筵、有永其傳、為德祖之奏、思皇曾祖、清  
勤醇古、田里輶光、天薦其祐、佑我曾孫、弘開土宇、追遠竭  
虔、迺遵前矩、為懿祖之奏、惟我皇祖、淑世詒謀、盛德靈長、



与泗同流、發於孫枝、明禮載脩、嘉潤如海、恩何以酬、為熙  
祖之奏、惟我皇考、既淳且仁、弗耀其身、克開後人、子有天  
下、尊歸于親、景運惟新、則有其因、為仁祖之奏、臣獻云、對  
越至親、儼然如生、其氣昭明、威格未庭、如見其形、如聞其  
声、愛而敬之、發乎中情、終獻云、承前人之德、化家為國、母  
曰予小子、基命一成績、欲報其德、昊天罔極、敢勤三獻、我  
心悅懌、撤豆云、樂奏既肅、神其燕喜、告成于祖、亦右皇妃  
敬撤不遲、以終祀礼、祥光煥揚、錫以嘉祉、送神云、顯兮幽  
兮、神運無跡、靈御適適、安其所適、其灵在天、其主在室、子  
子孫、孝思無斁、

秋七月、定大將奏凱樂、用鼓吹其凱歌詞、則隨事撰述、  
八月、孔廟釋奠、用元以前大成登歌樂、

冬十二月、祀旗纛、用時樂、

二年春二月、祭馬祖、用時樂、

三月、造祀三皇、樂用登歌、

夏、至、祀方丘、其樂章迎神曲云、坤德博厚、物資以生、承天  
時行、光大且寧、禘、三皇祗功、化順成、未御方丘、歲恭奉迎、  
奠玉帛、云、地有四維、大猷以方、土有正色、制幣以黃、敬存  
予中、是薦是將、奠之几筵、臨鑒、洋洋、進、俎、云、奉時純牡、其  
牡童牯、烹醑既畢、俎豆惟肅、升壇昭薦、神光下燭、眷佑家

邦報動惟薦初獻云平為盛陽陰德初萌天地相遇品物  
光采吉日令辰明祀攸行進以醇醴展其潔清亞獻云至  
廣無邊通全持載山嶽所憑海濱咸賴民資水土既安且  
泰酌酒揭虔功德惟大終獻云庸助之資有此疆宇匪臣  
所能仰承佑助恩崇父母臣次鼓舞八音宣揚會備明時  
徹豆云牲牲在俎蓬豆有頌臨之明饗匪惟飲食登歌乃  
徹薦獻爰畢執事奉承一其嚴慄送神云神化無方妙用  
難量其功顯融其祀悠長飀輪云旋龍控鸞翔拜送稽首  
瞻礼餘光望瘞云牲醴制幣殷饌惟馨瘞之於坎以達坤  
灵奉神于陰典礼是程企而望之厚壤寬平

秋九月、命考宮縣樂制。詔有司訪求能通音律者送京師。定朝會宴享樂舞之制。

三年夏六月、更定宴享九奏樂章。請御膳用樂不許。

一曰奉太初、二曰仰太平、三曰民初生、四曰品物亨、五曰御六龍、六曰泰階平、七曰君德成、八曰聖通行、九曰樂清寧。

四年春二月、詔太常司凡祭祀配享之位不別樂。

秋九月、別祀周天星辰凡樂奏與夕月異。同。初獻奏保和。撤豆奏豫和。送神奏雍和。異。

冬十二月、礼官奏定律莫樂舞之數。請選秀民充樂舞生。

上曰樂舞乃學者事宜擇國子生及公卿子弟在學者相  
教之始知樂舞生原不用道流後竟不免為道流

六年春二月中禁教坊司及天下樂人毋以古聖帝明王  
及忠臣義士為嬉戲

夏五月定新報音祭樂事迎神之吉日良辰祀典式陳太  
歲尊神雷雨風雲岳鎮海瀆山川城隍內而中國外及四  
方濯心厥靈昭鑒我心以候以迎來格來款

秋七月更定祥奠孔子廟樂歌迎神奏咸和之樂奠第奏  
寧和初獻奏安和亞獻終獻奏景和撤豆送神並奏咸和  
七年秋八月祀歷代帝王樂舞迎神之明仰子聖容想登

興兮景從降雲衢兮後光來俯登兮微表荷聖灵兮蒼生  
有榮瞻諸帝兮是臨予頓首兮才蒙真帛云東微誠兮物  
聖躬來列坐兮殿庭予今願兮効勤奉祀帛兮列酒樽登  
予情兮忻享方旌駕兮重程初獻云酒醑兮爵隆喜氣兮  
靡重荷蒙兮載瞻載崇屏臣忻兮躍從願覩縹兮聖  
容亞獻云酒清兮礼明指帝熙和兮悅情百職奔走兮滿  
庭陳道立兮數重並獻兮願成終獻云獻酒兮至終畢整  
聖容兮將還宮予心眷戀兮神聖欲舉而兮無從踊聖衢  
兮緩行得遙瞻兮九重撤饌云納殷羞兮頌陳燕民樂兮  
幸生將何以兮崇報惟歲時兮載瞻載迎送仲云穠瑤條

統兮遠來踪、奏樂冉兮歸天宮、五雲擁兮祥風從、民歌  
聖祐兮樂年豐、望、云神机不測兮造化工、弥羞礼帛兮  
薦火中、望、云庭庭兮稽首願神鑒兮才表、

九月、定回、云臺歌、寓警戒、毋、云頌美、遂出御撰神降祥神呪  
酣酒、色荒禽荒等諸曲、凡三十九章、云曰御臺歌、其舞分  
為三隊、上八人、礼官圖其制以上、

八年夏四月、皇太子揖祭、方丘上親製、云樂迎神曲、云仰皇  
祖兮駕來川、岳從迎兮威灵備開、香烟縈繞兮神臨御街、  
漸陞壇兮穆、云霽瑞氣兮應結樓臺、以微衷兮率職、幸望  
聖悅兮心諧、但乞臣兮固請、願嘉蕙民兮永懷、黃玉帛云、

臣奉芳以篚、玉帛是進、芳歲祀以常、百辟陪祀、芳珮声琅琅、惟南薰、芳解慍、映燎炎、芳煌煌、進、坦云、庖人、芳淨湯、大烹牲、芳氣霽而芳、以微衷、芳獻上、曰享、芳曰康、初、獻云、初獻行、芳捧觴、聖靈穆、芳洋洋、為蒸民、芳永昌、暨豐年、芳耿光、西、獻云、稌穀羞、芳已張、法前王、芳典章、臣圖展、芳情惻惻、用斟酌、芳載饒、終、獻云、爵三、獻、芳礼將終、臣心眷恋、芳無窮、恐殷羞、芳未具、將何報、芳神功、徹饌云、俎豆徹、芳神熙、薦興、駕、芳旋歸、百神翼、芳雲依、敬奉行、芳弗敢違、送神云、祥風興、芳悠、雲衢開、芳民福留、歲祭蒸民、芳大有想、洋洋、芳舉觴、載酒、望、瘞云、殷羞玉帛、芳瘞次中、遠、賔悠



臨兮龍旗從、祀事成兮嘉徵表感厚德兮民福雍、  
十一年春二月、合祀社稷。其樂章迎神云、余惟土穀兮造  
化功、為民立命兮當報崇、民歌且舞兮候迓迎、想神來兮  
祥風生、欽當稽首兮告年豐、初獻云、氤氲合兮物遂蒙、民  
之立命兮荷陰功、余將玉帛兮薦微衷、初斟醴兮萬兮民福  
洪、亞獻云、余今樂舞兮再奉觴、願神昭格兮軍民康、思必  
穆、兮灵洋洋、感恩厚兮拜祥光、終獻云、千羽飛旋兮酒  
三行、香縹繞兮雲旌旌、余今稽首兮欣且惶、神顧悅兮霞  
彩彰、撤豆云、粗陳微禮兮神喜將、琅然瑟兮樂舞揚、願  
祥普降兮遐邇方、蒸民率土兮盡安康、送神云、氤氲氤氲

兮祥光張、龍車鳳輦兮駕飛揚、送騰稽首兮去何方、民福  
留兮時雨暘、望、瘳云奉、敬羞兮詣瘳方、鳴鶴率舞兮聲鏗  
解、思神納兮民福昂、余今稽首兮謝恩光、

十二年冬十二月、神樂觀成、以樂舞生居之、命道士周玄  
初鉅觀事、

十三年夏四月、詔樂舞生、若有過及疾病者、遣歸擇補、在  
王府者亦然、

冬十一月、詔公侯及諸武臣子弟、凡一百一十九人習樂、  
舞以供祀事、

十五年、賜宴更定九奏之曲、

一曰炎精開運。二曰皇風。三曰眷皇明。四曰天道傳五  
載皇綱。六曰金陵。七曰長揚。八曰芳醴。九曰駕六龍。

十七年春二月改鑄南郊太和鐘。

高四尺二寸五分。口徑三尺六寸五分。紐高一尺四寸  
五分。重二千七百六十斤。

夏五月重鑄京城禁鐘。

重二萬觔。

六月天下儒學樂器毀。詔新製大成樂器為定式。頒于各  
府州縣視之。

十八年春正月祭旗幟。用大樂。

重定王國山川社稷樂制。

迎神奏廣清。奠帛初獻奏壽清。為武功之舞。亞獻奏豫清。終獻奏熙清。俱文德之舞。撤豆奏雍清。送神奏安清。望瘞奏時清。

夏六月、重定朝賀樂舞之制。凡朝賀及燕享。教坊司中和韶樂與大樂互奏。

永樂元年秋九月、上以宗廟樂章、未有稱述、不能如古、命博求名儒、更為之、不果。

二年春三月、周王獻駒虞、進頌九章、協之律呂、詔以所獲駒虞、并獻太廟、寧王聽伊涼之樂曲、曰、斯曲宮雝而少微。

商。孔。而。如。暴。其。下。反。叛。上。播。越。之。徵。乎。已。而。果。有。此。應。  
三年夏六月、給朝鮮編鐘編磬各十六、琴、蕭、四、瑟、笙、二、以  
新其敝。

十八年、詔更定宴享樂舞。一奏上萬壽之曲。平定天下之  
舞。二奏仰天恩之曲。撫安四夷之舞。三奏感地德之曲。中  
書會同之舞。四奏民生樂之曲。表正萬方之舞。五奏感皇  
恩之曲。天命有德之舞。還歌得勝。教坊司更進致語。

宣德元年夏四月、命造皇太后宮中樂器。

景泰元年、國子監助教劉翔言、古視學釋奠、皆不用樂、慶  
成宴大禮、用教坊承應、殊累中和、且樂器悉列露臺下、無

堂上堂下之別。乞改正。不果。

天順八年。劉翔復言郊廟樂章。皆太祖初平定天下時所作。與今不協。其更製禮官言享廟樂章。惟迎神有云。助我眇躬。開基建功。終獻有云。承前人之德。化家為國。毋曰余小子。基命成績。仁廟時俱已更易。咸可為世通行。翔言非不問。

成化十二年。以祭酒周洪謨議。增孔廟僧舞之數為八。二十七年七月。禮官言教坊司所沿中和韶樂。多不諧韻。而鼓瑟調笙篪擊鐘磬善者絕少。久之失傳。宜令八十四人。三倍其額。並習樂器。二十一色。博教而約。取之制可。

弘治元年、籍田禮畢、賜宴教坊司、以御語承應、左都御史  
馬文升奏、叱去之。七年六月、詔訪銅鼓制、工部言、制自西  
南彝方、今災傷、尚須撤樂、豈宜復造、制外之器、命已之。  
八年十二月、上命內閣裁定三清樂章、徐溥等上言、三清  
之說、道家誣妄、謂一天之上、尚有三大帝、最上為周柱下  
李耳、有是理乎、章不進。

九年二月、禮官以文廟既用八佾之舞、俎豆樂器、亦宜增  
添、報可。令天下遵行。十月、給事中胡瑞奏、國家朝廟禮樂、  
屬教坊司、神樂觀、褻陋殊甚、以民間子弟肄習、設官掌之、  
年久量授職事、俾得列于搢紳、庶為倖不報。

十三年十月詔以寧王宸濠妄肆先朝所賜廟祀禮樂寔非定式再鑲寔頒賜之仍詔各王府悉從初制

十五年六月吏部書馬文升以上命官內府造大祀樂用純金為鐘西玉為磬謂音律不協請博求善律者為之事遂已

十七年四月南京太常卿呂憲以成祖遷都北京所置神樂觀止習歷代帝王及先師孔子二祀樂舞其於郊廟社稷闕然不講謂祖訓何請專官提調春秋二仲率諸生一概演習其不能者呈部退為道士報可

十八年四月命神樂觀整備樂器上知音凡祭祀奏樂有



誤。每加詰問。時翰林崔銑夕從西院。一聞外有吹笛聲。頗促而哀。愀然意動。未幾上崩。

正德三年七月。上以慶成宴樂未備。乃選三院樂工。督肆之。仍移各省簡藝精者以進。自是百戲雜陳。優俳騰肆。六年八月。教坊司左司樂臧賢以疾求退。特旨勉起供職。仍遷為奉鑾。

嘉靖元年。以樂八奏祭先農。教坊承應。有闕笑聲。禮官言古以藝諫。教坊即不能因事納忠。安得慢褻。詔嘉可。七月。御史汪瑋陳十漸之一。令教坊司毋得以新聲巧技進納。七月。命安陸家廟用八佾。御史黎貴禮部侍郎賈諫次

第言陵祀不用樂。鳳陽諸陵皆然。何獨顯陵有之。且慮有二統之嫌。上不聽。

三年。建觀德殿。祀興獻王。召協律郎崔元祈肄樂舞。太常卿汪舉以列代非太廟。不設樂舞。今已設于安陵。復於觀德殿似復不聽。

五年秋。改觀德殿為崇先殿。上親製樂章。迎神之曲曰永和。初獻曰清和。亞獻曰康和。終獻曰冲和。撤豆曰泰和。送神曰寧和。三獻但用文舞。張璁曰。文與武是兩階之容。得其左而闕其右。天子父不得享禮樂之全。何以式四方。世乃益武舞。

九年、祈穀樂用九奏上親製樂章。命太常協于音律。譜祀  
先蚕、議樂舞。禮官緣飾。以為從唐開元儀注測之。當用八  
佾。以女樂承之。今蚕亞於農。佾降八為六。則先蚕止用  
樂歌。可以免佾舞。詔用女樂。不責舞着黑冠服。以從六  
月。禮官以四郊既建。宜增定樂章。選補樂舞生。詔博選積  
通音律者。出內府金玉三音之器。考正之。致仕太僕寺  
丞張鶚應召。鶚具奏。率附會意。在阿崇先與太廟埒。禮官  
不敢難。遂命鶚更定廟享樂章。十月。禮官言古禮絃歌周  
公召公之詩。不用鐘磬。乃房中之樂。宜令女官被此二詩  
於管絃。以備宮中宴樂報聞。

十年三月、命採浙江紫竹、花斑竹、以應方丘月壇之用。太常丞張鴉譜定帝社稷樂歌、以進。陞少卿掌教雅樂。太常官始悉用通士、給事中王訥、臣疏諫、誦官。

十二年五月、禮部尚書夏言奏、古樂正習盛樂舞、皇舞、諸當三獻九奏之後、隱招雲漢書辭、製為雲門一曲、使並舞而合歌之、仍增造鼓吹教番、今舞者百人、青衣執羽、繞壇周旋、以鼓暢陰陽、詔可舉行。

十四年四月、時七廟既建、禮官以羣廟規制不同、享祀、聲容宜別。况四祖既祧、頌美不洽。請今特享、祫享、大享、諸詩歌、宜令儒臣更撰。意在追美崇先、上可之于。是增設樂官。

及樂舞生自四郊九廟暨太歲神祇諸壇樂舞人數至二千二百員名六月詔取山西長子縣羊頭山黍大小中三等各五斗以脩候氣定律設特鐘特磬以為節樂復宮懸十五年始行禘祫樂六奏

十七年六月大享上帝於太極寶殿以皇考興獻王配樂章六率更定併更定朝賀樂章

陞座奏聖安曲詞曰乾坤日月明八方四海慶太平龍樓鳳閣中扇開蒼極帝皇興聖感天地靈保萬壽洪福增祥光旺氣生陞寶位永康寧

公卿入門用治安曲詞曰忠良為股肱昊天德承主

恩森羅拱北辰、御爐香繞奉天門、江山社稷興安天下、

君與民龍席會風雲、賀萬壽、聖明君、後我、不

後我、不

百官行禮用萬歲樂、詞曰、兩順風調、昇平世、萬、年山

河社稷、八方四面干戈息、慶龍席風雲會、又或用朝天

子詞曰、聖德、聖威、洪福齊天地、御階前文武兩班齊、

列在丹墀內、舞蹈揚塵、山呼萬歲、統山河、壯帝威、礼仪

讚、稽、慶龍席風雲會、

回宮、奏定安曲、詞曰、九五飛聖龍、千邦萬國敬依從、鳴

鞭三下同公卿、環珮响叮玲、掌扇護御容、中和樂音呂

濃、翡翠錦綉、還華蓋、赴左宮、

命婦朝賀太皇后、用天香鳳韶之曲、詞曰、寶殿光輝、晴  
天映、懸玉鉤、珍珠簾櫳、瑤觴舉、時、蕭韶動、慶大廷、未儀  
鳳、昭陽玉帛、齊朝貢、贊孝慈、賢助仁風、歌謠正在昇平  
中、謹獻上齊天頌、又曰、龍樓鳳閣、彤雲曉、開綺簾、天香  
芬馥、瑤階春煖、千花簇、壽王母、齊頌祝、御筵奏獻、長生  
曲、坤道寧、二氣咸育、和氣四時調、玉燭、享萬、年太平  
福、

百官朝賀皇太子千秋節、用千秋歲之曲、詞曰、堯年舜  
日、勝禹周、慶生、繚統鳳樓、風調雨順、五穀收、萬歲暢  
歌、誦、

二十一年三月工部尚書顧璘請更定獻皇帝陵廟樂章、  
禮臣議諸陵歲祀原不用樂奉先時享亦不用樂事後  
三十年因廟製禮舊省革樂舞生外定額用一千一百五  
十三名

四十四年上聞諸王廣置女樂淫縱不檢因而松娶生子  
有乖大潢大典詔革諸王樂戶朝賀宴饗得假鼓吹于有  
司

隆慶三年七月草協律郎以下四十八員存二十九員



樂器

編鐘不過十二。以當十二辰。用節歌句。堂上擊黃鐘特鐘。而堂下編鐘應之。與編磬同用。

特鐘以應十二月之律。六鐘也。爾雅大鐘曰鐃、樂書曰虞三禮圖曰特縣者謂之鐃、黃鐘重一鈞故曰大不出鈞其次以漸而重、甋賓重一石故曰重不過石、特鐘主甋賓非鐃也、凡鐘未作擊鐃以鼓之。鐃聲細而鐘大故周人各立一官任之。

編磬以立辨。聲最重難和。書曰泗濱浮磬石無根故曰浮。編之則弗難而小。十六枚同在一虞謂之堵。鐘磬各一

堵謂之肆。或曰亦止于十二、以絃而掛于虞之崇牙、故曰編。

特磬、即離磬。記曰、什之離磬。離之則特。爾雅曰、大磬謂之磬。

玉磬、為堂上首樂之器。書曰、天球在東序是也。

琴、夏至之音也。陰氣初動、禁物之邪心也。小足以感神明、大足以尊造化。

瑟、以來陰氣、以定群生。庖犧作五十絃、破之為二十五絃。具二均聲。古用中琴、必以小瑟應之。義取懲忿窒慾、其於玉、其絃朱、其絃分、其音細。

簫為堂下之樂。其卦則震。其方屬東。其時乃春。其聲尚謙。其律夾鍾。其風明庶。其音溫。必待衆職而後致用。丹陽記稱慈姥山生簫管之竹。玉簫者以飾之云耳。

箎有底之笛也。主春分為十二月之音。月令仲夏之月調。箎。周禮謂之欽箎。

簞風俗通曰。簞。滌也。所以滌邪穢。長尺四寸。七孔。諸絃歌從笛為正。

管曰下管。仲尼曰。下而管。象示事也。吹之于堂下。

簞曰葦簞。以葦為管。竅其上三。伊耆氏以葦始之。後世易之以竹。所以通中聲也。羽舞執簞。蓋震音也。古之人始作。

樂器箏、箏居先、箏、躍也。氣躍而出也。又有六孔之箏、尔雅曰、大箏謂之箏、中謂之仲、小謂之弱。

笙、正月之音也。笙師掌之。十三簧、象鳳之身、其卦艮、其方東北、其聲尚議、其律太簇、其風條、其音啾、立春之氣也。三十六簧曰箏、十三簧曰笙、長四尺、箏踰二寸、古者造笙以曲沃之匏、沃陽之條、笙之大至十有九簧。

塤、坎音也。其卦則坤、其方則西南、其風則涼、其律林鍾、夷則其聲尚宮、其音則濁、立秋之氣也。舊圖大塤謂之雅塤、小者謂之頌塤、又作塤者、從生土之義也。其下為火、鼓用革、去故以為器、羣音首此、其卦則坎、其方北、其時冬。

其風廣莫其律黃鐘其聲一其音謹冬至之氣也。五鼓為  
夏后之制商人貫之以楬謂之楬鼓周用縣鼓又有建鼓  
大鼓也禮曰應鼓在東以應四時之氣也雷鼓雷鼓圜丘  
奏之靈鼓靈鼓方立奏之路鼓路鼓宗廟奏之鼓人敎日  
月以雷鼓寔氏敎猛獸以靈鼓司馬振旅王執路鼓以達  
窮民興遽令宮懸設于室之四隅而三鼓隨之以節樂鼓  
鼓者長八尺面四尺以和軍旅或謂是鼓楬鼓縣鼓楬屬  
鼓想或本是擊鼓中高而兩端下所以鼓役事圓長俱一  
丈二尺晉鼓以節聲樂亦用之軍旅夾鐘鼓也面徑三尺  
三寸長六尺有六寸亦以鼓金奏柝鼓革表鞀裏設于堂

上衆樂之父也。凡鼓設于堂下，衆樂之君也。拊在一鍾一磬之東，節鼓聲，三擊之。節衆樂，每二字畢，二擊之。凡樂二字為一節，故也。鼗如鼓而小，掌之于小師。冬至之音，堂下之樂也。爾雅謂之料雷鼗，六柄靈鼗，八柄路鼗，四柄者，取其播而不擊，鼗與鼓合而為德音也。周官下管擊應鼓，鞀之尤小者也。堂上擊拊，堂下擊鼓，陳以應之大射，一建鼓在其南，東鼓朔鼓在其北，東與朔皆小鼓也。以其引鼓，故曰陳以其始鼓，故曰朔。鼗卑者，朔鼓也。又謂之鼗，儀外有曹，鼓薄鼓未詳。祝者，木為之，狀如漆桶，方二尺四寸，深一尺八寸，中有椎。

建底桐之。今左右擊以起樂。有兄之道焉。居宮縣之東。象  
春物之成始也。敔。獸伏虎。西方之陰物也。背有二十七組  
鱗。刻以木。長尺。櫟之以止樂者也。居宮縣之西。象秋物之  
成終也。柷。敔與柷。柷一物而異名。按舊圖。柷形其止上出  
止。斲者。所以敔柷。謂之止。所以敔敔。謂之斲。唐宋以竹為  
斲。長二尺四寸。破一端為十二莖。樂將上。先擊其首三次。  
而逆擊之。祝。應大呂之律。北方之器。敔應無射之律。西方  
之器也。  
鐃如小鐘。軍行鳴之。以為敔節。又丁寧與鐃皆鉦也。近代  
有大銅疊縣而擊之。亦此類。

金鈺。似鈴。與鐃有大小之異。工人所執以退武舞也。有柄無舌。執而鳴之。以止鼓。大者象鐘。形薄。旁有二十四鈺。宮縣用之。飾以流蘇。

金鐸。大鈴也。以金為舌。所以振武事也。王與大將行夾舞者。振鐸以為節。司馬法曰。鐸聲不過琅。木鐸。金口木舌。所以振文事也。武舞用金鐸。文舞用木鐸。木鐸形如金鐸。稍矮。如甌。有柄。相為鼓。其狀如鞀。韋表。纁裏。以漆趺。局承而擊之。所以輔樂者也。樂記曰。治亂以相。諧樂圖。乃以相為節。推者。法度之器。笙師掌教雅。以教祔夏。所以正樂者也。雅。



狀如漆桶而弁口大二圍長五尺六寸以羊革鞔之傍有  
兩紐疏畫武舞工人所執所以節舞也或曰雅即春鼓也  
大率與相互為用。

鐃高一尺五分上徑長一尺一寸濶八寸五分下口徑長  
八寸三分濶六寸六分鈕雖高三寸一分濶一寸六分重  
二十一斤所以和樂也其形象鐘項大腹揗口弁以伏獸  
為鼻內縣子鈴銅舌振而鳴之與鼓相和後世之制或為  
兩馬之形或為蛟龍之象引舞用焉非古制也又名鐃于  
圓如碓上大下小灌水以取聲其名不一而虎鐃嘗得見  
之。

洪武初樂器止用編鐘編磬各十六琴十瑟搏拊塤箎  
簫笛各四笙八應鼓一係社稷祀用後漸增之凡殿內  
中和韶樂用麾一簫十二笙十二排簫四橫笛十二塤  
四箎四琴十瑟四編鐘二編磬二應鼓二祝一敔一搏  
拊二凡丹陛大雅後奏于奉天門者麾一戲竹二簫十  
二笙十二笛十二頭管十二簫八琵琶八二十絃八方  
響二鼓二拍板八杖鼓十二凡朝賀女樂戲竹二簫  
十四笙十四笛十四頭管十四簫十琵琶八二十絃  
八方響六鼓五拍板八杖鼓十二凡東宮朝賀樂戲竹  
二簫四笙四笛四頭管四簫二琵琶二二十絃二方響

一、鼓一、拍板二、杖鼓六、

舞制

洪武中所定武舞名曰平定。天下之舞。士三十二人。執干、長一尺一尺五寸、上闊一尺、下廣六寸。朱質、上畫雉羽、下畫升龍雲氣。右戚。朱紅二漆、柄五寸、作發揚蹈厲。些作擊刺之狀。冠黃金束髮冠。紫紛纓。衣青羅舞鶴花窄袖衫。錦領紅羅銷金大袖窄袍。紅羅銷金褙。皂生色畫衣浴襖。白羅銷金汗袴。紅羅攔項紅結子。紅束腰。塗金束帶。青熟大絲。錦臂鞞。雲頭皂靴。舞師二人。執旌以引之。旌長七尺五寸、朱紅漆柄、金龍吞口、縣五朱羽、九層、每層用塗金寶蓋。蓋紅熟絲。舞師二人。冠裳束靴。與舞士相似。但大袖衫用青羅。末密絲結子。文舞名曰車書會同之舞。士如前數。執籥。長一尺五寸、朱紅漆

笙門三為之。右秉翟。長三尺五寸。如前作進退舒徐。揖讓升

降之狀。冠黑光。描金方山冠。青紛纓。衣紅羅大袖衫。結子

束如武舞。白絹大口袴。白舞師二人。執翽以引之。綳如旗

層。懸白鸞尾。冠服與舞士同。

永樂中更定武舞。名曰表正。萬卯之舞。引舞二人。皆執紅

纓。素青羅包巾。紅羅銷金項帕。紅生綃錦領中。單紅生綃

銷金通袖襖子。青絲絛銅帶。織錦臂鞵。皂雲頭靴。銷金色

臂。紅絹搭膊。舞人樂工六十四人。皆執干一小鉞斧一。服

色與引班同。

文舞名曰天命。有德之舞。引舞二人。服青縵紗如意冠。紅

生絹大袖袍、彩畫直纓、黑角偏帶、藍絹絲、皂雲頭皮鞋、六十四人、執紅漆羽箭、雉雞尾、諸與武舞同。

國初麾樂和聲郎、又名協郎、共四人、幘頭、紅羅袍、荔枝帶、皂靴、手執麾旛、舞師即引舞、文武各四人、於文武各六十四人中取之、樂生與舞生等各六十四。

國初以樂生不娶、顯潔、特設神樂觀居之、非如黃烈也。賜給優異、錢糧不刷卷、給肉曰、無使饑寒、乳性干盾之屬、後易楮甲、繪兵其上、寓防微之意。

天順四年庚辰、上御南薰殿、召王翱、李賢等五人侍、命小內侍鼓琴、曰、昔在南宮、自撫一二曲、足以養性情、今

不暇及矣。嘗學于太監李永昌。

宗廟

附王國以下

丙午冬、建宗廟、令、令、謙、典、樂、

洪武元年春二月、立太廟於闕左、廟南向、德祖居中、以下三祖、昭穆列考妣、並以四孟及歲除、凡五享、孟春特祭、其餘祫于太祖廟、

夏四月、行祫祭禮、重定時享、清明、端午、中元、冬至、與歲除而五、定祭器、上曰、勿泥古、凡壺、豆、桃、簠、簋、筥、帨、帟、之屬、非先王所習用、不以祭、

祝文曰、惟我祖宗、積德于世、茂子孫於天地之間、今以家為國、建廟于京、以序昭穆、謹率諸執事、以四時之祀、



為大禮之常。茲當孟夏，敬奉明薦，伏惟昭格，鑒此永思。  
迎神樂奏太和、奉冊寶、奏熙和、進俎、奏寧和、初獻、奏壽  
和、舞武功、亞獻、奏豫和、舞文德、終獻、奏熙和、舞文德、撤  
豆、奏熙和、送神、奏安和、時配享同姓王一十五位。王有  
妃者六位。唯南宮妃王氏不與。王妃附葬  
鳳陽皇陵  
三年，廟祀仍用四孟月。祔祀功臣之死者。太廟祝文止稱  
孝子皇帝。不稱臣。皇太子行禮止稱命長子。不称皇太子。  
作太廟主璫。

十二月，帝及皇太子諸王、日二朝。皇后率嬪妃日進膳。月  
薦新。命祭天下無祀鬼神。以城隍神主祭。

京都築壇於玄武湖中、天下府州縣則于城之北、其各里亦立祭壇、歲以三月清明、七月望、十月朔、長史率僚佐、晡時致祭、牲用羊豕各三、炊米三石、正壇設城隍之位、羊一、豕一、壇下東西各席地焚香、列燭、各設羊一、豕一、設飯羹、立石登刻祭文、京都謂之泰厲、王國謂之國厲、府州郡屬縣邑屬民間鄉屬。

四年夏四月、定太廟合祭親王功臣配享。

先是、時享太廟于庭中、設青牀、分列功臣之位、至是親王與功臣分祔西廡十五、王東廡、蔡國公張德勝、越國公胡大海、泗國公耿再成、梁國公趙德勝以下、立西廡。

罷婦設之制。但用黃布為幃。殿分兩廡。上親行禮。則大臣分獻兩廡。

五年十月、定陵寢朔望節序祭祀禮。

每歲元旦、清明、七月望、十月朔、冬夏二至、用太牢。其伏臘社、每月朔望日、則用特羊祠祭。署官行禮。

定皇后祔廟禮。

凡皇后先崩、既葬、神主未入太廟、藏于別廟。及帝山崩、合塋後、然後神主得祔。

七年、御史奏祿與權請行大禘禮。不果行。

九年、定王國宗廟。立於宮城外之左。二昭二穆。與始封之

祖為五。

冬十月。新太廟成。為同堂異室之制。德祖居中。三祖帝后  
東西向。親王侑于東廡。功臣侑于西廡。羅特享四孟。合享  
定於孟春。擇上旬吉日。三時俱朔。日官民不敢犯三朔日。  
上三日齋戒。命韓國公李善長。中山侯湯和。及省臺官。  
分祀在京諸神。以遷廟告。上親詣舊廟。告遷主。預設神  
位于新廟。帝座鏤金雲龍文。后鏤金雲鳳文。寢殿各設  
床榻。食褥。簋笥。櫺枹之類。是日。上及皇太子諸王。俱冕  
服。詣舊廟。恭奉神主。置鸞輿。中宮奉冊寶案。前行出廟  
門。樂作。百官祭服前導。法仗奉引。至新廟門。上與皇太

子奉祖主置於各座。以皇伯考壽春王等并王妃二十一位。東甬功臣開平忠武王等一十二位。西甬祭畢。奉神主寢殿各室。

制廟陵皆祭。官民祭主不祭墓。嘗秋享。太常以粟未熟。請桃代上曰。祭寔不拘著為令。

十三年春二月。於乾清宮別建奉先殿。生忌致享用常饌。建文元年。凡郊社大祀。皆以太祖高皇帝配。

定制。品官祭四代。庶人初許祭祖禰。以行唐縣知縣吳秉中議。庶人祭三代。

品官主祭。齋戒陳設。省牲。恭神。降神。灌茅。三獻。讀祝。備。

食闔門、闕門奉茶、辭神、庶人沐浴、出主、跪上酒、飯、俯伏、肅拜、納主、撤具。

永樂十八年、定都北京、廟祀禮一如洪武初制。

洪熙元年、凡郊社大祀、皆以太祖太宗並配。

正統八年、編修董璘奏、太常廢用道流、不敬、忤旨、下獄死。

成化中、特設奉慈殿、以別於奉先祀、孝肅周太后。

弘治中、遵例以孝穆孝惠兩太后合祀奉慈。

嘉靖三年春三月、建觀德殿於奉先殿之西、祀本生興獻帝。

五年秋九月、世廟成、改觀德殿為崇先殿、與奉先殿擬。

九年定議二至以太祖配大祀殿祈穀以太祖太宗配  
十年定廟祀正太祖位南向為始祖遷德祖於祧廟為始  
祖所自出之帝移親王功臣位於兩廡孟春各廟特享季  
冬大祫合祀諸祧廟之主

議禘禮後夏言設虛位為自出之帝以皇祖西向配定辛  
丙之年一舉時四月上親撰祭文從事

十四年夏四月七廟既建盡改同堂異室之制

十五年秋九月尊本生皇考興獻王為興獻帝祔享太廟  
分昭穆列主武廟之上仍遙尊太宗為成祖若曰祖有功  
宗有德云凡二祖七宗為九廟春特祭三時祫享大祫蓋

預祖太宗以示不祧之意。

二十四年、庙集仍用。同堂。馬。至。之。制。時。仁。庙。帝。后。祧。一。堂。九。室。中。太。祖。左。成。祖。仁。宗。英。宗。孝。宗。武。宗。右。宣。宗。惠。宗。睿。宗。升。烈。皇。后。用。四。時。歲。輪。諸。禮。儀。樂。章。器。物。一。如。舊。制。

罷大禘之禮。

隆慶元年、科臣陸樹德請祧睿宗、獻皇帝、主、下邳、不果行。崇禎十七年、福王初立、科臣李清諸、立、享、庙、合、祀、獻、帝、及、恭、和、恭、帝、者、以、子、福、王、貴、而、追、尊、省、也。因奏睿宗、帝亦宜特立庙之中室。詔從之。

按憲宗性附議祧主、侍郎楊守陳以為祖功而宗德、凡



稱太祖。即是始祖。始祖必配天。配天而不得正位南面。  
名與寔且兼德。非始祖可祀也。周有后稷。乃行禘祫。  
世無之。何用遵行。太祖太宗兩屬開國。例應百世不遷。  
通典周之兩建世室相近。顧太祖為始祖。既祖但一世室。  
合之昭穆。統為八廟。而欲以與王為世廟。合几廟。豈不舛。  
乎。歲特享之後。為時飭。為大禘。禮以簡。為貴同堂。異。  
室。武而莫。想嘉靖中。分建七廟。以充冕佩。王偏歷群廟。起伏。  
如夢。匪獨筋力不逮。而日亦不短。久之。倦。知所必。然也。  
且昭穆之序。必以世次。則承之承几者。或至左右偏勝。  
必以祫次。則祀之承祖者。反合尊卑。五。年。據次。祫祫。勢。

有難通。昔人嘗言之矣。余人以昭穆分列。欲附一昭。必先祧一昭。自昭之第一始。昭之第一祧。而穆之第一未祧。是分左。右而不分。上下凌越。蓋是古昭穆不知何如。相傳圖說未足據也。若夫崇先殿。殿于奉先。情可曲諒。別為世廟。已非而遽欲於太廟之享祫乎。奉慈殿。雖殿奉先。寔止于義。孝廟意。越以祀生母。孝穆。于是靈廟生母孝肅。世廟生祖母孝惠。咸附。久乃遷于陵寢。誠為合宜。但改稱皇后。猶未免逼嫡之嫌耳。而失祀之大。關於國運者。內臣在洪武時。職厥後耳。嘉靖中。宗廟大典。在特享。分遣大臣八人。獻諸帝。又內臣八人。獻諸后。在時祫。大臣十二人。獻諸帝。內臣十二人。獻諸

后○夫○法○司○與○武○臣○尚○不○能○稱○事○而○刑○人○乃○与○大○臣○分○職○  
鉅○典○乎○此○時○難○撤○內○道○而○積○重○難○返○久○之○擅○制○抗○法○忠○  
案○氣○東○百○神○張○之○事○例○國○運○匪○淺○解○也○

歷代帝王賢聖祀典

洪武元年、具太牢、遣中書官祀三皇、以勾芒祀融、力牧、風后、配遣官祭昭烈、武成、王、儀、同、釋奠。

三年、遣使致祭歷代帝王陵寢、令各行省具圖以聞。

歷代帝王陵寢、可考者七十有九。功德昭著者三十有八。祭伏羲于陳州、神農于邙縣、黃帝于中部縣、少昊於曲阜縣、顓頊高辛于滑縣、唐元于項城縣、虞舜于寧遠縣、夏禹于會稽縣、商湯于蒙河縣、商中宗于內黃縣、商高宗于陳縣、周文王武王成王康王宣王、漢高帝文帝景帝于咸陽縣、漢武帝于興平縣、漢宣帝于長安縣、漢

光武于孟津縣、漢明帝章帝于洛陽縣、唐高祖于原縣、  
唐太宗于醴泉縣、唐獻宗于蒲城縣、唐宣宗于涇陽縣、周  
世宗于鄭州、宋太祖太宗真宗仁宗于鞏縣、宋孝宗于  
會稽縣、蓋內祧魏文帝、隋高祖、宋理宗三位、各製袞冕  
服、函香帛、遣秘書監陶詡等、往修祀事、每陵給白金一  
十五兩、具祭物、掩瘞、葺修、仍築樵採、歲為例。

六月遣使往招興、興宗理宗骨殖致祭。

上與學士卷素論宋元興替之故、素言元世祖至元間、  
胡僧嗣由、妙高、欲毀宋會稽諸陵、時夏人楊肇真、為  
江南樵採、奏請如二僧言、遂蕪諸陵、取藏中金寶、以諸

帝遺骨瘞杭之故宮。葉祥居於其上。以厭之。又載狸。宋  
項骨為西僧餽品。上聞之。數南渡。諸君無大失。德与无  
又非世仇。既來。務取之。何至酷虐如此。即命北平守將  
吳勉訪索項骨。所在果得之。西僧盧中命有司。晉於東  
城之南。塋是。紹興府以永穆二陵。圖表獻。遂以前骨。勒  
塋。故陵。

四年。祠。故元。微。史。知。夫。福。壽。歲。春。秋。二。仲。遣。官。從。事。令。氏  
天下三三皇廟。祀春秋。未。焚。止。祀。于。陵。寢。

七年。建。歷。代。帝。王。廟。于。京。師。以。文。王。守。臣。節。唐。高。祖。無。創  
業。功。聖。預。為。同。堂。異。室。之。制。

時歷代帝王止存創業十八主嗣後免周文王唐高祖

二主定三皇

伏羲神一室

五帝

金天高陽高辛唐虞

一室夏商周

一室漢隨一室

唐宋元一室

每室共用牛羊豕各一每

位用蓬豆各十、簋簋登餗各一、爵各三、帛各一、白酒尊

五于西階三于東階御製樂章七奏舞八佾迎神奏雍

和奠帛初獻奏保和舞武功亞獻奏中和終獻奏肅和

俱舞文德撤豆奏凝和送神奏壽和望瘞奏豫和

凡兩廡從祀名臣為風后力牧皋陶夔龍伯夷伯益伊

尹傳說周公旦召公奭太公望召穆公虎方叔張良蕭

何曹參陳平周勃鄧禹馮異諸葛亮房全齡杜如晦李靖

郭子儀、李晟、曹彬、潘美、韓世忠、岳飛、張浚、凡三十二人  
壇二、各少牢一、其餘守成令主祀于陵寢、從祀舊有趙  
普及元阿木、安童、木華黎等俱罷祀。

八年、更祭前代先賢、不具祭服、使服行礼。祠張巡許遠于  
歸德州。

十三年、遣祭歷代忠臣。漢將蔣子文、晉卞壺、南唐劉仁贍、  
宋曹彬、元福壽、凡五廟于祭功臣之日並祭。  
十六年、祠秦李冰、漢文翁、宋張詠、皆蜀守。又祠嘉禾卓茂、  
河南黃霸、吳陸遜及子抗、從子凱、四川王神、岳麻、庾李龍、  
遼唐狄仁傑、謝夷甫、元李黼與其侄秉昭、李宗珂、咸著祀。



典。嗣郢州請以姜嫄公別二廟入祀典。從之。

十九年。礼臣請建昭烈武成王廟。不許。仍從祠帝王廟。允。

王爵。

二十年。改建帝王廟于鷄鳴山之陽。歲八月。擇日致祭。祔功臣徐達等十二人。仍令三年遣官祭于陵寢。

前定五室內。去隋文帝。

二十一年。修唐相張九齡。宋名臣余靖祠祀。以歷代名臣從祀。歷代帝王廟。去舊額趙普安重二人。增陳平鄧禹潘美馮異水華然五人。

二十七年。建漢壽亭侯關羽廟于鷄鳴山。祠唐臣渾瑊。

永樂元年。兩殿太師比干墓及其祠記。

三年。祠唐觀察使常袞于福建。

宣德二年。遣祭求相文天祥。歲為例。

四年。詔修嘉興陸贄祠。福州范仲淹祠。

五年。修睢陽協忠廟。

張巡。許遠。南向。雷萬春。南霽雲。賁賁。姚閏。東西配。

七年。祀宗臣耿遇德于高郵。

八年。祠祀歐陽脩。文天祥。周必大。楊邦。胡銓。楊萬里。稱六賢。

正統元年。復建武成王廟。

成化元年。脩比干墓。祀元臣劉國于容城。

四年祀宋丞相李綱于邵武。禁侵古帝王忠烈名臣陵墓。  
五年復元臣賽曲赤廟祀于雲南。

九年脩永平伯夷叔齊廟。賜額清節。命詞臣撰文致祭。

十年脩宋儒程灝程頤博野縣祠堂。春秋致祭。

十一年祭唐臣褚遂良于杭州。

十九年祠宋楊時于蕭山。以魏驥配。祠額德惠。脩周公廟。

于岐山。春秋二祭。脩其墓于咸陽。歲一祀。脩漢諸葛亮祠。

于沔。宋范仲淹祠于鳳翔。及三呂大中祠于藍田。臨大鈞

二十二年封金王二關真為上帝。遣閣臣萬安揖

祭。

弘治三年、進元守臣韓建、祠祭安慶、進國公余闕、廟祠唐  
昌黎韓愈于孟縣、并脩其墓。

五年、祠宗合州守王聖張珏于鄉賢祠。

六年、祠宋范仲淹于河南墓所、以子純仁配。

十年、詣季漢北地王謀于昭烈廟、春秋致祭。

十二年、詣清還宋鄧王岳飛墓、田于錢塘、脩祭。

十五年、祠宋丞相江萬里于甌州、以子錫配。

十六年、飭祀宋陸九淵兄弟。

正德三年、祠宋殉國同知陳瑄于興化、祠其姪同知樞密  
院事文龍。

八年、賜唐顏真卿、宋卿祠額二忠。祀于真定。

九年、脩曾子廟于嘉定。以門人子思子配。陽膚、子來、公明儀、沈猶行、公明高、樂正子春、公明宣、單居離、從祀。脩唐相宗璟祠祀于南和。

十年、脩唐張九齡祠祀于韶州。子伊闕令拯與唐刺史鄒文進、宋邕州推官諱必明、國朝永豐令鄧顥、從祀。

十六年、祠宋陸秀夫于鎮江。岳飛于武昌。歲祀。建太公廟于青州。

嘉靖二年、建周公廟于雒陽。仍遣官視登封縣公遺蹟。觀風測景二臺。考正土圭表漏制度尺寸。祠晉處士陶潛于

彭澤。南宋韓琦范仲淹祠于延州。祠南陽諸葛亮。額志武。  
九年。停南京歷代帝王廟祀。以專祀春秋故。  
十年。改立帝王廟于阜成門內。

十一年。詔祠唐狄仁傑宋寇準及鄉儒劉安世于大名府。  
二十四年。以科臣陳槩議撤元世祖神主并草莽黎五臣  
祀。

按帝皇庙。姬昌臣節不預。是也。唐高祖寔以子功居  
南面。奈何撤之。至以伏羲神農。未有衣冠之制。如加  
冕服。則未經的考。當用何制。且歷代冕服。亦未盡一。  
或多虔備。不如竟用木主為當也。若元世祖雖係勝

國而亦為天子。陳桀以私意。若其名臣。殊非太祖。效  
歸元遺孫至意。

孔廟祀典

洪武元年二月丁未、用太牢祀孔子於太廟。仍遣祭曲阜刑部主事錢唐倡言孔子為百王宗師、宜通祀天下。詔可之。秋八月、躬太學釋奠禮。詔仲春秋以太牢祀孔子、衍聖公主祀曲阜。著為令。太學二上丁降香、丞相獻學士祭酒亞終獻。

二年、詔衍聖公孔希學父故元祭酒克堅歸祀孔子於闕里、行釋奠禮。胡惟庸、劉基、馮冕不陪祭、受胙、坐罰俸。定陪祭受胙。

四年、司業宋濂議、子先父食、非以明德肖像、非棲神之舊。



仍元大成登歌樂非制又言遷神南向非神道尚右之本義以薰蕕代炳蕭以秉燭代庭燎殊不合古且不宜但祀春秋并及從祀諸黜陟忤旨外調

六年八月學士詹同等上孔廟更定樂章及釋奠禮儀七年脩先師廟及祭器

十五年四月詔天下通祀孔子時釋奠儀終未定上曰昔周太祖不惑羣議曰孔子百世帝王之師敢不拜遂入廟再拜獻爵又再拜賜群臣宴翌日國子官表謝賞賚仍頒儀注於天下

十七年禮部制大成樂器頒天下儒學

建文元年、祀先師禮。凡盛獻拜跪如廟社。

永樂十五年九月、脩孔子廟功成、御製碑文勒廟前。

洪熙元年、宣宗初立、德平縣訓導年富言天下儒學毀廢、十哲列兩廡、從祀木主與塑像不一、封爵差訛、位次失序、詔脩脩天下孔子廟、如洪武中定例。

正統三年、三氏學教授裴侃奏、太學子斷不可先父食、請另祠啓聖王於大成之西、以諸賢之父配享、報聞。

天順四年、祭酒劉崇益欲起前元孔廟什碑、右僉都御史葉盛謂國監初興、仍勝國之制不便、不以聞、時太廟已易木主、外學或不忍即毀、蘄州知府林鶚稱孔子生佛教未

入中國之前。烏睹所為塑像哉。奪羣議立主。

成化十二年。祭酒周洪謨請加孔子封號為神聖。席運宜服衮冕。十二旒。衣十二章。併加籩豆。佾舞如天子。又以于羽居上。樂器居下。宜改正。禮部尚書鄒幹言。洪武時祭酒宋訥碑文有像不土。繪彛習乃華等語。今塑像尚欲盡毀。安得復尊衮冕。其原號大成至聖。本於中庸孟子二書。無可更議。且止。統中御史李奎有加封之請。已經免議。宜如故。詔加籩豆舞佾。封號不行。尋令所在。馬先師廟門。十七年。國子監丞祝淵請文廟概茂木主。議外經歷孝宗初立。揚州陳請加孔子帝號。吳況作孔子封王排。

以○議○之○謂○稱○先○師○為○正○師○者○居○前○不○得○而○臣○之○者○也○

弘治十貳年曲阜孔廟災命學士李傑祭告○

十七年重建孔廟落成遣大學士李東陽致祭○

正德三年以脩孔廟不如旨山東巡撫以下咸罰米有差○

六年流賊犯闔里入孔廟祀拜而去○

嘉靖元年以學士張璁議大成殿後另祠啓聖公叔梁紇○

聖號稱至聖先師不稱王稱廟不稱殿用木主廢塑像京○

師籩豆十樂六佾外學籩豆八時編脩徐階爭留孔子王○

號忤旨外調十三道御史黎貫等復爭之梟為民上方追○

考獻王疑以為諷已怒貫倡議餘贖杖復職孔廟祀典始○

定設曲阜縣社塾教三氏子弟。

二十七年，升安陸為承天府，加儒學，以籩豆如京師。

二十八年，司業傅新德請易孔廟琉璃瓦，下部議不果。酌定釋菜禮儀。前一日，設御帳大成門外。旦，上臨御帳。皮弁服，真引入就位。百官各就位。奠詣盥洗，搯圭，盥帨，出圭，詣酒尊所酌酒，詣先師前再拜。百官皆再拜。搯圭執官跪進爵，上獻爵，出圭再拜。百官皆再拜。四配十哲兩廡如常代獻。

按孔子廟祀漢晉及隋，或號先師，或稱先聖。宣尼、宣父，至唐可守始謚為文宣王。其至聖之號，加於宋真宗大

成之稱增於元成宗國初議裁舊謚而孔號不改及至  
弘治中欲尊帝號在案真宗時已曾議及之太常李清  
臣以為周室祚王陪臣不當為帝乃止夫後世之有天  
下者擅稱皇帝雖泰而僭擬得罪三代况為人臣者孔  
知孔如孔子拜上不可迺更甚之

孔廟從祀

洪武四年夏五月、司業宋濂議孔廟禮、併及從祀、謂大成至聖、通祀內外固宜、但七十子宜止、設于國學、其外諸學、配以顏子一人、若荀況之言性惡、楊雄之事王莽、王弼之宗莊老、賈逵之忽細竹、杜預之建短喪、馬融之黨夢家、且草引建安熊氏之高、謂伏羲為道統之宗、自神農下迄孔子、諸臣、皋陶下迄箕子、咸宜秩祀、天子之學、不果行。五年、罷孟軻配享、踰年上曰、孟氏辨異端、闢邪說、發明孔子之道、其復故。

二十九年、行人司副楊砥復以楊雄失身竊經、必黜從祀。

而陞漢儒董仲舒詔從之。其左丘明以下諸送祀如故。  
正統元年以忠州訓導宋廣議刊定孔廟送祀名爵位次。  
為圖頒天下。隨以宋儒胡安國蔡沉真德秀預送祀。  
八年追封元臣吳澄為臨川即公預送祀。

成化元年助教李仲上言五事。其一以顏回曾參孔伋舊  
制配享堂上。而三賢之父列廡下。先儒熊禾學士宋濂常  
言之不果行。今請以三賢配享。啓聖公其送祀如公伯寮。  
荀况馬融杜預王弼宜黜。元劉因許衡宜補入。報聞。又有  
何基王柏金履祥許謙並送祀之議。上以元臣不許用。尚  
書陳文議祀於其鄉。



三年、追封董仲舒為廣昌伯、胡安國、建寧伯、蔡沉、崇安伯、真德秀、浦城伯、並從祀。

弘治元年、禮科給事中張九功、復議孔廟從祀、宜黜荀況、馬融、王弼三人、入禮部侍郎薛瑄、下部議、少詹程敏政、復議左丘明以下二十二人之中、馬融、阿梁翼、殺忠臣李固、劉向、所著洪範五行傳、最為舛駁、兼涉神仙方術、賈逵附會圖讖、王弼何晏、倡清談、拾老莊餘唾、何休春秋訓詁、一書黜周王魯、註風角等書、班固孝經論語、載聖治行多不法、毀何武於朝、王肅以女適司馬昭、復為司馬師畫策、杜預為吏則不廉、為將則不義、以上八人、請祀爵祿、而鄭

衆說禮。號后氏曲臺記乞加封爵。淺祀孔氏及門。見於家  
語七十六人。而司馬遷史記多公伯寮。秦冉。顏何。文翁於  
成都廟壁所畫又多蘧瑗。林放。申枹。按枹家語作申績。史  
記作申黨。其實一人。今枹封文登侯。黨封淄川侯。重複無  
稽。孔子贊使。尊梓。蘧瑗。公伯寮。明訴李路。與問禮。林放。家  
語史記並非及門。秦冉。顏何。疑亦為字畫之誤。如申枹。申  
黨者。俱不可問耳。今請二申。但存其一。公伯寮。秦冉。顏何。  
蘧記瑗。祀於衛。放。祀於魯。至於荀况。自宜與楊雄並。默若  
文中子。王通。安定。胡瑗。二人宜進從祀。更宜別立一祠。特  
祀啓聖公。而配享如前。李仲謀并請以二程。文珣。朱熹。又

崧並引顏無繇之下。詔下廷臣議。時學士吳寬侍郎倪岳。議不合。諸從祀如故。薛瑄以楊士奇少其無著述功。與鄭衆王通胡瑗俱不獲從祀。

四年。祭酒謝鐸議吳澄受宋恩而仕元。出處不正。宋儒楊時息和放淫。有功孟氏。乞并時而黜。澄不報。

九年。大學士徐溥復稱時力羅王安石。遂祀。廢其新語。寔有漸道之功。於是封時。將樂伯。預從祀。

十四年。侍郎謝鐸請立啟聖祠。配以顏曾思之。父黜元吳澄。嘉靖元年。學士張璁既得請。改正孔子廟號。詔脩享復聖。顏子。宗聖曾子。述聖子思。亞聖孟子。其西廡及門諸弟子。

公侯伯之號俱撤。梅先賢其餘從祀右篇。王通、胡瑗、歐陽脩、陸九淵、蔡元定、程珦、賈誼、馬融、何休、王肅、杜預、吳澄、十三人。四縣祀林放、蘧瑗、盧植、鄭玄、鄭衆、服虔、范甯。七人祀於其鄉。右篇王通、歐陽修、胡瑗、陸九淵、蔡元定、六人。增入復請別立祠祀齊國公叔梁紇、梅啓聖公孔氏。以顏、無繇、曾點、孔鯉、孟孫氏配享。詔皆從之。

隆慶元年，言官趙執周、弘祖等請陞薛瑄、王守仁預從祀。下部議。後黃南山私擬進刑部錢唐于從祀。何孟春私擬進公孫尼子，謂尼子為七十子之門人。案記繼衣其所手著，竟不果。

五年以薛瑄從祀。

萬曆十二年以王守仁陳獻章胡居仁從祀。

論曰從祀孔廟起於唐是時左丘明卜子夏公羊高  
穀梁赤高堂生外及戴聖劉向等共二十二人而董  
仲舒獨不與蓋其時之論道者為未詳矣至明始為  
合義按循事啓聖四父獨所云孟孫氏懸擬之詞也  
孟子父諱激字公宜古來無議其非者豈先輩猶未  
之考歟但又名唐樸或似後代坐疑因缺之歟徒列以  
孟孫則孔子為疑人孟子為問人分一堂為兩代矣

諸臣祀典

附述

庚子祠祀死事花雲許瑗於太平。

辛丑配享死事張德勝於祖廟。

甲辰祠祀死事韓成等三十六人於鄱陽之康郎山復祠。

祀死事趙德勝葉琛張子明等十四人於南昌。祀劉成於

長興州。

洪武元年廟祀滁陽王郭子興於滁州。廟祀徐王馬公揚。

王陳公於太廟之西。後改祀徐王於宿州故居。改祀楊王。

於盱眙墓處。

二年以死事胡大海等七人。

胡大海、耿再成、趙德勝、廖永安、俞通海、張德勝、卓世傑。

配享大廟。

三年合祀功臣二十一人於鷄鳴山。肖像八人。六王、外、胡

用。德勝、耿再成、丁德興、俞通海、張德勝、第戎、大海、馮國

華、高吳良、吳禎、曹良臣、康茂才、吳復、孫興祖、盧其位者

十三人。立廟。置於京省。祭無祀鬼神。歲例三舉。清明、中元、十月朔

按廖永安初列逆祀。尋罷。又按馮國用、丁德興等成革

高吳良、吳禎、曹良臣、康茂才、吳復、孫興祖十人。既祀功

臣廟。不復侑享太廟。兩祀俱論封爵。與親王分西廡上

親行廟祀。則大臣分獻西廡。

六年定功臣已故者謚號。

輯公侯以下家廟禮儀。

別為祠屋三楹於所居之左以祀高曾祖考并祔位二品以上羊一豕一五品以上羊一以下豕一皆分四體熟而薦之不能具牲者醢設饌所用器皿隨官品第祔家有無先二日聞于上免朝奉凡祀于四仲之月或擇吉或二分至或臘忌

八年功臣廟增祀花雲李思齊二人

花雲或曰華雲龍二人或曰八人

九年祭功臣廟祔入余隆等一百人及何文輝等一百人

十二年祭功臣廟祔入吳積等三百人

二十年定侑享歷代帝王廟功臣中山王徐達等十二人

馬嶧鎮貴州有功募婦孺劉不便請殺燁願世內効上



不得已從露劉未及議卹

洪熙元年、祔入帝王廟、侑享功臣河間東平定興王等四人、開國與靖難各自為序。

成化元年、祠死事汀州推官王得仁、

十一年、祠故御史伍驥及都指揮死事丁泉于上杭、祠額  
忠、

十八年、祠故學士王禕于雲南。

二十年、祠故巡撫都御史楊信民于廣東。

弘治九年、祠故罪臣宋濂于四川、墓所復其原官、春秋二  
祭、祠故禮部侍郎薛瑄於平陽、賜額正學。

十五年、祔故趙時賞等四十八于廬陵歐陽修廟。二額忠義、明年入祔故御史鍾同於忠烈祠。即歐正德十六年、祠故都督俞書馬雲、葉旺於遼東祠太保黃福於昌邑。

嘉靖元年、陞開國功臣誠意伯劉基、侑享太廟。位六王之下。祠故吏部尚書王恕於三原祠大學士劉珝於其鄉旌其里為仁孝祠。故主事費瑄於呂梁洪。四年、祠慶士吳興弼於崇仁。

十六年、祠故知州夏鼎於臨清。鼎大學士言之父也。十七年、徇提兵郭勛之請、陞其祖營國公英侑享太廟。位

永義侯之上、降劉基寧國公之下、

隆慶二年、祠故禮部郎中歐陽德於江西、

六年、神宗初、立奉、登極、詔建祠于南京、祀建文中諸賢二百餘人、額曰表忠、弘光初、追贈加謚、並建旌忠祠、

表忠祠

中祀方孝孺等。方孝孺、欽、周、是、備、練、子、寧、黃、觀、陳、迪、  
民、邵、瑄、曾、鳳、韶、魏、冕、高、翔、王、良、姚、善、胡、潤、王、叔、英、王、  
環、高、執、實、胡、林、右、連、樞、陳、忠、齊、泰、侯、泰、張、吳、郭、任、盧、迎、  
邊、昇、胡、子、昭、金、有、大、陳、性、善、司、志、周、唐、盧、原、實、廖、昇、  
泰、陳、雄、之、韓、永、東、福、苗、鐵、戴、德、龔、甘、王、樹、王、度、謝、昇、  
丁、志、方、林、英、巨、敏、譚、翼、莊、士、信、徐、子、樵、宋、微、程、本、立、林、  
嘉、猷、陳、許、四、周、繼、瑜、鄭、恕、張、亮、方、向、朴、唐、子、清、黃、謙、陳、  
思、賢、湯、誠、石、授、程、通、  
前、逢、辰、杜、奇、黃、子、澄、係、文、臣、共、七、十、四、人、

左正記徐輝祖等。徐輝祖俞通流。瞿能朱鑑馬宣張是。

泰莊得俞瑛。係武臣。共十七人。黃觀妻翁夫人及二女。

右正記曹學韶妻李淑人王良妻。淑人儲福妻范淑。

人胡閏。係諸忠妻女。贈謚詳本傳。

東附祀文臣無謚者。顧有為黃應方孝友俞貞木。有贈。

張統毛泰陳植樓璉黃清劉端葉希賢王玘。有贈。

劉原弼王高張安國李文敏鄭居貞蔡運鄒標方法。周。

縉劉政高賢寧伍性原陳應宗林珪鄒君默。無贈。共三。

十九人。曾廷瑞馬坤朱進樂清樵東湖樵。

西附祀武臣無謚者。廖鏞彭聚上馬楚智滕聚盧振小。

廖有贈。盛庸梅殷孫岳王。無贈。共一十九人。曾藩瞿通倪諒。

又東附內臣胡伯顏二人

又西附諸忠妻女王叔英妻金氏及二女諱翼妻邱氏張安國妻賈氏鄭松妻彭氏安夏蓮

及二及諸黨戚友

旌忠祠

中正祀文臣范景文等范景文倪元璐李邦華王家彥

周鳳翔馬世奇劉理順汪偉申佳胤吳甘來陳良謨陳

有贈謚許珙湯無贈謚共二十四人

左正祀武臣劉文炳等劉文炳張慶錄李國楨

王承共七人又諸忠婦女成德母張氏金鑑母章氏妾

朱氏李氏劉理順妻萬氏妾李氏共十人

陳良謨妾時氏周遇吉妻劉氏

右正祀文臣孟章明等。孟章明、金錄、徐有聲、徐樸、共八人。

左祀武臣朱純臣等。朱純臣、鄧文明、郭培民、薛漁、徐崇、敵、衛時春、吳遵周、上見、錫登、顧肇、迺、宋裕、德、孫維、蓬、楊先、通、張光、榮、方、履、泰、李國、祿、共一十五人。

右祀內臣。李鳳翔、王之心、高時明、共六人。

褚憲章、方正化、張國元、共六人。

封贈奏襲詔勅恩例

洪武中登極立中宮東宮諸詔無文武臣僚封贈廕子試  
署選授之例。英廟以後遂為例。

洪武初濟南衛指揮使何誠奏所止已受封已推封恩養  
伯父許之。

七年特恩增宗城侯薛顯母不為例。

二十四年定文武一品封贈三代三品上二代七品上二代。女衛  
六等。三品上總攝夫人以下淑人恭人宜人安人孺人至七品止。

二十六年定文武封贈各例。

例凡十一其一文官一品至七品止封贈散官執事其

應封一代者父與子同妻從夫貴應封二代者祖降父  
一級應封三代者曾祖又降祖一級父現任不封七致  
仕及已故者其在任棄職就封者聽其二嫡母在生母  
不得封生母未封不得封其妻其三父母有兩子應受  
封婦人夫與子西有官應受封從其上品父母原有官  
既沒而以子孫貴者進一級其四繼妻當封已故正妻  
亦當進封在繼妻止封一人其五命婦因子孫品級封  
者並加太字若已歿及曾祖父母者不加其六凡正  
從陞一級封贈一次其七應封贈者男曾犯十惡奸盜  
除名等罪女或再醮或娼優婢妾並不許曲請其八封



贈之後犯贓私者追奪其九婦人受封後不得再黜違  
者治之如律其十四品以上誥命凡自上及五品以  
下試職經改覈稱職領詔勅其已受誥命詔勅者並須  
一考方許受贈其十一有才能卓異出自將恩者不在  
此例其武官封贈之例凡義男承襲義父官職又適義  
父姓者當封贈義父母若出姓者不許亦不許封贈親  
父母出姓自立功勳得及親父母曾經代其父總旗凡  
鋒過雖自主功勳尚隨義父姓者但封贈義父母出姓  
者及其親父母女婿承襲妻父職事者封贈妻父母若  
代妻父總旗總小旗從後自得官者封贈其父母若親

生封贈與文官同。

建文以後皇帝生母皆並尊為皇太后。

宜尊皇太妃。正右稱太后為當。

歷朝下諸臣恩例大率各從其類。上慈后徽號則詔封贈。立東宮則詔廢邸。安異修省則詔捐進戒刑。登極則大赦。至於建大工。平大賊。誅大奸。亦相因有恩例。

永樂元年定軍功襲替例。軍職從兄弟姪並得襲。

洪熙元年詔方面官一考稱職。約與本身結命。九年考滿。所與封贈特恩贈謚故東宮官。祭四時。旋以例同宗廟。改春秋二祭。

倫并婦礼部侍郎鄒師顏喪。官員做此例行。

宣德元年、優給故武臣妻子寡弱及獨無子者。

二年、吏部拘例放遣患病官還鄉、皆革去冠帶、為民。內有曾受誥勅封贈父母者、上原之曰、既非得罪、以礼去官、與現任同。後以老疾請者、許冠帶還鄉。

五年、詔追奪賍官詔勅。

楊文貞士奇夫人莊氏早逝、以婢郭氏侍巾櫛、偶中宮有喜慶、命婦咸往。太后必召郭入、則僉帝特甚。太后重飾遣之曰、此還楊先生不復識矣。翌日、命有司如其妻嚴封。

八年翰林院郎循未應得封贈上異等特與之不爲例。

正統七年特恩許大學士楊士奇本身及妻所得誥命移贈其本生無後伯祖父母曹文襄乞封其前母例無封。

三母者誥特與之不爲例。

十一年贈故礼部右侍郎馬愉本部尚書兼翰林院學士舊制無贈而官者自愉始。

景泰三年陞致仕礼部左侍郎楊蕡爲本部尚書賜二代封贈仍舊致仕。

七年以特恩許文莊葉盛得封其前母。

天順二年序班袁應麒以故父尚寶卿忠微卒進所慕相。

書乞贈官祭墓不許恩例父犯罪為民得以子推封

八年俞廷獻以子貴得封主事復以子加封禮部郎中請移封其九十老父上不許給與封帶

成化四年倪謙子岳以編脩考滿應得推恩吏部以謙曾追奪雖過赦致仕無例上特与之不為例

六年詔軍職非立功人子孫不得襲

七年大理寺卿王概破例兩給三品誥命

概按察使時以旌異得賜誥命後歷副都御史大理卿

復賜例大臣無兩給三品誥命者有之自概始

八年吏部尚書魏驥卒遺語家人辭塋子序班究以闕上

嘉歎、重違其意、特從之。舊制、四品官父母喪、有祭無葬。破例給少恩。柯潛父葬。

二十一年、副都御史屠濬歷三品俸、未滿、陞右都御史、亦未滿、合計三年、請封其父母。詔特與之。不為例。

二十三年、上皇太后尊號、詔兩京文武官先封其父母。三品以上與誥命、凡武職子任在京、依文職例。父職高于子者進一階。

弘治元年、主事唐錦舟前繼母其父所封。茲第二繼母願推其繼妻封之。吏部王恕謂不違繼母一人之例。上許之。恰一事中張維新伊父受封同入朝謝恩。父未朝。朝儀。

行錯被糾等、繫于門、久得釋、

特恩賜兵部侍郎李介妻大理寺卿王霽妻祭例三四品  
官妻無差、軍職絕許立功人親姪姪孫已襲者得沿襲  
正德四年、逆監劉瑾數人擅權、其父祖皆得贈都督都指  
揮官、母為夫人、軍職絕許從兄弟姪並得襲

九年、禮部請欽定祭葬恩例、

時勢要故舊以厚賄力請、不得已、更申飭祖制有文臣  
三品以上乞祭葬者、以為犯例下獄、問違、

十一年、清寧宮災、詔兩京文官歷任未及一考者、與誥勅  
其誥勅准給未領、因事降調、非貪酷者、仍給與、

世宗初立時恩贈興府故長史張景明太子少保礼部尚書魚文淵閣大學士徐子恕光祿寺丞元正德中以忠諫得罪死者一体追贈與祭及廕其父母与妻亦給封贈嘉靖元年御史劉富生行人司正趙淵已陞食事以恩例請封其父母詔特許之

九年大報礼成詔兩京文官未及一考無過者給與誥勅十年立功人絕同時親弟侄得襲其姪孫以下及從兄弟姪除親祖例前相沿人自立有軍功者扣襲其無功姪孫以下至從兄弟侄等及沿襲未決別無立功者不許襲傍子孫卑職者俱收提旗



十三年、吏部以舊例父子品同、不得推封、時都御史張衍  
度請封其父、參政繼部議不宜以父祖自致之階、限子孫推  
錫之典、終不許、恩例得移封本生父祖、并復其所奪原職、  
十六年、六品以下官、乞破例移封、榮其親、不許、按移封有  
二例、一京官考滿奏奪、一京官封贈、或其父間革為民者、  
凡追奪封贈、非犯贓罪、免其父祖誥勅、由別子孫者、免、  
二十三年、裁定祭葬恩例、五其一、二品官妻曾受封者、與  
祭一壇、不得與夫之父母比、其二、三品四品父母止受五品  
以下封者、不賜祭、其稱特恩、心曾侍講讀、親履行陳、及春  
官官親奉出閣有勞者、其三、尚書都御史已加三少而革

去者、但與本等祭二壇、加翌日、淺政績未著者、奏奪、被劾、  
閒住者、不許、其四、四品以上、父母曾受本等封者、各許祭、  
並無封贈者、不許、其五、三品文官妻未封夫人者、不賜祭、  
至被劾致仕者、聽本部奏裁、未滿考者、不分在任致仕、俱  
祭一壇、半奠、聽調別用、及閒住詔復者、俱不許、得旨被劾、  
致仕者、仍如弘治中例、官給祭葬、

二十五年、特恩賜大學士嚴嵩祖驥祭葬、不為例、

二十九年、詔大臣卹典次隆、諸親王不預、

三十六年、應天庠丞朱隆禧以方術倖、加禮部侍郎、致仕、  
奉請卹、特恩與之、准皇親伯爵可追封二代、尋封三代、

四十年、禮部尚書歐陽必進為故南京兵部尚書湛若水乞贈鄉上以若水偽學忤旨奪必進少保仍供職右侍郎張永明以下停俸有差

穆宗初立思詔父職五品以上致仕官進階一級至於內兵部主事外知州察去者皆得稱朝列大夫

隆慶元年詔追恤先朝言事諸臣獨光祿少卿馬從謙不預從謙坐劾中官罪死中官猶啣之比子罵父律不赦給還故總督御史曾銑所沒田地十頃追尋俸進諸臣贈卹詔命仍卹諭祭墓碑現任者聞佳

尚書領可成以黃冠方術尚書徐可成以匠作侍郎朱

隆禧郭文英都御史鄭端明咸以方藥吏部主事史際  
以達醮並蒙殊寵侍郎張雷亦以習書濫膺至是一清  
冒倖

詔副使汪一中察初死事以失機與仗節死義者不侔坐  
奪卹贈

萬曆三年更定文武官卹典遵依會典及嘉靖中題乞外  
每加一等

四年盡復故大學士夏言等原官賜祭葬及謚

酌定蔭叙國初一品至七品皆得蔭子後定三品以上有  
勞及死事者得廢官生出自特恩稱恩生凡廢差四級叙

弘治中准三品以上京官非襍流出自經一考者許一子送監讀書凡東宮侍從年勞恩例或中書舍人習字及文武官死於忠諫凡公主子孫有志向學皆得送監歷官可至知府運司同知及行太僕苑馬少卿凡未仕而故可以補廕而身自能文武出身者可移另補凡大臣之廕孫可代子

弘光初立禮部尚書顧錫嘯請補惠宗代宗廟瑞科臣李清并請惠宗馬皇后復如例文奎仍為皇太子代宗吳賢妃仍為皇太后汪皇后亦並如例惠宗諸弟降郡王或夷庶人者并復原封品准行因追補開國諸文武臣贈謚陶

安等一十三人。但補議馮國用等一十三人。特贈馮勝寧  
陵王。傅友德。麗江王。附六王。原長興侯。耿炳文。亦贈興國  
公。升祀。隨贈諡。靖難文臣七十四人。武臣一十七人。婦女  
六人。